

# kontuola

**KONTUOLA, Idolaz elkarte, ANTZUOLA. Kazetaria:** Aintzane Irizar **Publizitatea:** Mireia Larrañaga **Erredakzio kontseilua:** Miren Anduaga, Gotzon Iparragirre, Patxi Kortabarria, Jone Larrañaga **Testuen zuzenketak:** Maripi Laskurain, Lierni Legorburu **Telefonoa eta faxa:** 943 76 65 08, Herri ikastetxea.

*Antzuolako hamabostekaria, 79. zenbakia. 2001eko maiatzaren 18a.*

## Elkartasun festa hilaren 26an

Anelkarrek Senegalera materiala bidaltzeko dirua batuko du

**Maiatzaren 26an, arratsaldeko 17:30-ean jarri dute hitzordua Anelkarrekoek Zurrategi plazan. Aurten Bidezko Merkataritza bultzatzeaz eta ezagutarazteaz gain, Senegalerako dirua batu nahi dute Antzuolako elkartasun taldekoek. Horretarako, kamisetak salgai jarriko dituzte.**

**H**ala ere, ekimen hau ez zen Anelkarrengandik sortu. Izan ere, Kristina Bakaikoa antzuolarra egon zen Senegalen, eta bere ekimena izan da Senegalerako dirua batzea, nahiz eta Anelkarrek lagundu dion.

Kristina iazko urrian egon zen Senegalen, eta hango elkarte bat ezagutu zuen, legendarra dutenei laguntzeko elkarte bat, hain justu. Casamance herriaren daude legendarrenak, eta orain daukaten beharrik premiazoena argindarra sortzeko eta ura ateratzeko generadore bat da. Horretaz gain, legendarrendako botikak eta eskoletarako materiala erosteko ere erabiliko dute batutako dirua. Diapositiba emanaldia ere egingo dute, eta hantxe egongo da Kristina, azalpenak emateko. Bestalde, Bidezko Merkataritza bultzatzea dute helburu Anelkarrekoek. Jendeak kontzientzia hartu dezala lortu nahi dute. Hirugarren munduan egiten diren produktuak salduko dituzte, baina baldintza egokietan ekoiztutakoak, hau da, esplotaziorik gabeko baldintzetan ekoiztutakoak.



*Iazko urrian egon zen Kristina Bakaikoa Senegalen, Elorrioko lagun batekin.*

ri antzuolarrak hango beharizan eta egoeraren berri eman zien bere lagunei, eta hauek Brasilerara bidaltzeko dirua batzen hasi ziren. Gero, Ruandari laguntzeko beste talde bat sortu zen, Purita Iturbe antzuolarra han zegoelako, eta Ruandaren egoera sekula baino larriagoa zelako. Eta Bosniari laguntzeko beste talde bat ere sortu zen. Hala, Antzuola bezalako herri batean hirugarren munduari laguntzeko hiru talde gehiegi zela eta, denak elkartu eta Anelkar, Antzuolako

elkartasun taldea, eratzea erabaki zuten. 1997an hartu zuten erabaki hori, eta hurrengo urtean sortu zen elkarte. Gaur egun, zortzi bat lagun elkartzen dira, baina era honetako ekitaldiak antolatzen dituztenean, herritar askoren laguntza izaten dute; guztira, 50 antzuolar baino gehiago izaten dituzte laguntzaile. Aurrerantzean ere lanean jarraitzeko gogoz azaldu dira Anelkarrekoak, eta urtean bi festa egingo eiz dituzte: udaberrikoa maiatzean, eta udazkenekoa, urrian.

### HIRUGARREN MUNDUARI BEGIRA

Anelkar 1998an jaio zen elkarte bezala. Hala ere, 1992tik datorren kontua da, Kontxi Laskurain Anelkarreko ki-deak azaldu digunez. Izan ere, Juan Antonio Lizarralde Brasilen zegoen misiola-

■ ■ ■  
Senegalera bidaltzeko generadore bat  
erosiko dute batutako diruarekin  
■ ■ ■



# Mireia Unamuno GOITBko 'Alkatearekin berbetan' saioan

Herriari buruzko hamaika gai izan zituzten hizpide

Joan zen astean egon zen Mireia Unamuno saio horretan, eguaztenean, hain zuzen ere. Debagoieneko alkate guztiak elkarrizketatu dituzte dagoeneko saio horretan, eta Antzuolako alkatearen txanda zen.

**A**urreko asterako aurrez ikusita zegoen arren elkarrizketa hori, telebistako bertako arazo tekniko batzuk medio, atzeratu beharra egon zen. Dena dela, Antzuolako alkateak estreinatutako saio horretarako jarri dituzten dekoratu berriak.

Saioa Ojanguren kazetaria da saioaren aurkezlea, eta berarekin, beste bi kazetari aritu ziren: Marijo Deogracias eta Aintzane Irizar.

Hasteko, EHk alkatetzan daramatzan bi urte hauen balorazioa egin zuen Mireiak, positiboa, gainera. Izan ere, "alderdi guztien arteko elkarlana ona izan da" bere ustez.

Onartu berri diren aurrekontuez ere mintzatu ziren, eta Ongizatera eta Kulturara bideratutako diru-partiden garrantzia azpimarratu zuen. Antzuolako Udalak bultzatutako etxebizitzaren ekimena ere hizpide izan zuten, eta positibotzat baloratzeaz gain, aurten bertan hirugarren etxebizitza multzo bat egiten hasiko direla ere aurreratu zuen Unamunok. Azaldu zuenez, zerrendak zabaltzen direnean jakinaraziko zaie herritarrei.



Joan zen eguaztenean zuzenean eskaini zuten 'Alkatearekin berbetan' saioa.

Beasain-Durangok ere sortu du zeresanik. Udalak lehenbailehen egitea eskatu du: "ez dauka zentzurik Bergarako zatia eta Ormaiztegitik Zumarragarakoa aurreratu, eta Zumarragatik Bergararainokoa 2007ra atzeratzeak".

Industrialdea egiteko prozesua ere abian da; Deskarga inguruan egingo dute. Mireiaren esanetan, "industrialdea egitea planteamendu oso ausarta da Antzuolarentzat, inbertsio handia eskatzen du-eta". Dena dela, aurrera doa, eta herriko enpresek ere oso jarrera ona erakutsi dute.

## ANTZUOLAN EZIN IKUSI SAIOA

Esan bezala, aurreko asteko eguaztenean, zuzenean eskaini zuten elkarrizketa hau. Baina antzuolarrek ezin izan zuten ikusi. Antzuolako Udalak baietza eman zion Goiena egitasmoari, eta bazkide laguntzaile egingo dela ere adierazi zuen. Baina GOITB ez da ikusten. Mireiaren esanetan, "arazo teknikoak daude horretarako; Eusko Jaurilaritzak ez digu oraindik Euskal Telebistaren antenak erabiltzeko baimenik eman". Dena dela, zinean izango dute saioa ikusteko aukera nahi duten antzuolar guztiek.

## ERREKA ETA BEASAIN-DURANGO

Errekaren auzia "epe motzera konponetzea nahi dugu; erabakia ez da denen gustukoa izango, baina oraingo egoera ere ez da hobe, arrisku handia dago-eta", adierazi zuen.

Uda ostean hirugarren etxebizitza multzoa egiten hasiko da udala

**ANTZUOLA**  
Apainketak eta  
isolamenduak  
Pladurrezko dibisioak

Kalegoi 21 ANTZUOLA  
Tf.: 943 72 30 05  
Biltegia: 943 78 70 40

**EGAÑA**

Era guztietako arotz lanak

Tarima eta parketa jartzea  
Zoruen kutxilatutako eta barnizatuak

Kalegoi 21, ANTZUOLA Tf.: 943 76 64 23

**GOROSTI**  
**Taberna**

☎ 943 76 62 96  
Zurrategi plaza ANTZUOLA



# Ganadurik gabe, baina zapatuan ospatuko dute San Isidro eguna

**Hala ere**, egongo da zer ikusi eta zer erosi. Lore sikuekin sortak egiten dituztenak, musika tresnak eta altzariak euren eskuekin egiten dituztenak... denetik ikusi ahal izango da zapatuan. Na-parria dela-eta ganadu feriak egiteko Eusko Jaurlearitzak ezarritako debekua bertan behera laga duten arren, berandu zen ganadu feria antolatzeke.

Besteak beste, antzuolar artisauak ere egongo dira: Joseba Gastiain, Francisco Castro eta Diego Sanchez.

Udalak antolatutako lehiaketara aurkeztutako kukumarro guztiak ere ikusgai egongo dira goiz osoan. Lau talde aurkeztu dira aurten: erretiratu talde bat eta hiru gazte talde.

Goizeko 11:00etan meza ospatuko dute. Meza ostean, eta sasoi bateko ohiturari jarraituz, Jokin Solozabal eta Unai Agirre bertsolariak arituko dira udaltxeko balkoitik bertsoan.

Arratsaldeko 18:30ean erromeria izango da Zurrategi plazan, Muganix taldearekin.



*Kukumarro erakusketa eta sari banaketa egingo dute zapatu goizean.*

## GAZTETXEKO EGITARAU BERTAN BEHERA LAGA DUTE

Egitarau zabala gertatu zuten Gaztetxe-koek, baina azterketak direla-eta, lana pilatu zaie. Prestaketa lanei ezin die-

tela eutsi ikusita, aurrez ikusitako ekitaldi guztiak bertan behera lagatzea erabaki zuten, eta halaxe azaldu dute herriko kaleetan jarri dituzten oharretan ere.

## Txapela jantzita etorri zen Aritz Berraondo

**Finalera** heldu bakarrik ez, irabazi ere egin zuen antzuolarrak. Aurreko Kontuolan aurreratu genizuen moduan, jende mordoan joan zen Antzuolatik Donostiara Aritz animatzera, eta badirudi zerbaitetarako balio izan zuela, 22-16 nagusitu zitzaion-eta Xalari. Bueltan, eztarriak xanpainez bustitzeko aukerarik ere ez zuten galdu, pozik asko bueltatu baitziren Antzuolara, txapel eta guzti. Ia datorren urtean lehen mailan ere horrelakoak ikusteko aukera ematen digun Berraondok!



1800

5400

### Igor eta Txomin



Margoak orokorrean

ANTZUOLA  
609 157 131

BERGARA  
609 150 164



### Zabalo Iturgintza S.L.

Bidea eginez

**Tailerra:** Uzarraga bidea 10. Tf. 943 78 71 78

**Erakusketa:** Kalebarren 1. Tf. 943 78 71 79, Tf. eta F. 943 76 64 73

- Gasa
- Berogailuak
- Haize egokitua
- Enpresen mantenimendua
- Lurrin instalazioak

- Bero-aurreztea
- Bainugelak. Proiektuak momentuan egiten ditugu DIBaren bidez
- Birgaitze-espeditenteak bideratzen ditugu





Alkatea eguerdi partean joan zen botoa ematera.

# EAJ/EA koalizioa garaile Antzuolan ere

**Antzuolan ere** EAJ eta EA alderdiek osatutako koalizioak jaso zituen boto gehien, alde nabarmenarekin, gainera. Izan ere, 713 boto lortu zituen koalizio horrek, eta Euskal Herritarrok izan zen hurrengo botorik gehien jaso zituena, 388 botorekin. EAJ/EAk, beraz, botoen erdia baino gehixeago; EHk, ostera, %27. Gauzak horrela, duela hiru urteko legebiltzarrerako hauteskondeekin alderatuz, 213 boto gehiago jaso ditu EAJ/EAk, eta EHk, aldiz, 144 gutxiago. Beraz, EAEn gertatu denaren antzerakoa gertatu da Antzuolan ere. Gainerako alderdiei dagokienez, PSEk 142 boto eskuratu ditu, PPk 99 eta Ezker Batuak 46. Azkenik, aipatu behar dugu, Mireia Unamuno ez dela legebiltzarkide izango. Antzuolako alkatea seigarren tokian aurkeztu zen EHren Gipuzkoako zerrendan. Baina Euskal Herritarrok alderdiak Gipuzkoan lau legebiltzarkide besterik ez ditu lortu.

## Emaitzak

	1998		2001	
Errolada	1.622	%100	<b>1.636</b>	<b>%100</b>
Botoak	1.317	%81	<b>1.402</b>	<b>%86,7</b>
Abst.	305	%19	<b>211</b>	<b>%15</b>
<b>EA/EAJ*</b>	500	%38	<b>713</b>	<b>%50,8</b>
<b>EH</b>	536	%41	<b>388</b>	<b>%27,6</b>
<b>PSE-EE</b>	161	%12	<b>142</b>	<b>%10,1</b>
<b>PP-UA</b>	75	%6	<b>99</b>	<b>%7</b>
<b>EB-IU</b>	33	%3	<b>46</b>	<b>%3,2</b>
Besteak	3	-	<b>3</b>	-
Zuri/Baliog.	9	-	<b>11</b>	-

\*EAJ eta EA ez ziren batera aurkeztu 1998ko legebiltzarrerako hauteskondeetan.

## EUSKAL SELEKZIOA IZANGO DUTE HIZPIDE HAINBAT KIROLARIK

Maiatzaren 30ean, eguaztena, mahai ingurua izango da Antzuolako Udalak antolatuta. Gaia: Euskal Seleksioa, seleksioaren alde arituko dira hainbat kirolari ospetsu: Realeko Aranburu, Lopez Rekarte eta Iker Sarriegi; Athleticeko jokalaria ere etorriko dira, zeintzuk izango diren zehaztu barik dagoen arren; mendi federazioko ordezkariak ere hantxe izango dira, eta azkenik, baita Antzuolako Aritz Berraondo pilotaria eta Antxintxika triatloi taldeko Aitor Larrea ere. Hitzordua, esan bezala, maiatzaren 30ean, arratsaldeko 19:30ean, udaletxeko osoko bilkuren aretoan.

## EUSKAL PIRINIOETARA IRTEERA ARROLAK ANTOLATUTA

Oraingo astebukaeran bertan egingo dute irteera Arrolakoek euskal pirinioetara, Irati basoa eta inguruak ezagutzera, hain zuzen ere. Irteera hau maiatzaren 26 eta 27an egiteko asmoa zuten arren, aurreratzea erabaki zuten, asteburu horretan jaunartzeak ospatuko direlako Antzuolan.

Zapatu goizean irtengo dira Antzuolako plazatik, eta joaten direnek, lo egiteko zakuez gain, bi egunetarako bazkaria eraman beharko dute. Afariar Arrolakoak eurak arduratuko dira. Lehenengo egunean, Burdinkurutzetako mendatetik Okabeko mendi gailurrera joango dira. Domekan, berriz, honako irteera egingo dute: Iratiko etxoletatik Eskalea mendira. Domeka iluntzean bueltatuko dira Antzuolara. Oraindik ere, azkar ibiliz gero, baduzue izena emateko aukera, tokirik egonez gero, behintzat; autobusa eta lo egiteko tokia 30 pertsonarendako hartu dute Arrolakoek.

## PALETA TXAPELKETAKO FINALA

Maiatzaren 26an, zapatua, jokatuko dituzte paleta txapelketako finalak Udaltalotalekuan. Andoni Rodriguez-Aitor Azkarate bikoteak, Biteri aita-semeak izango ditu aurrean.

1800  
KALEGOI 19 ☎ 943 76 64 07

*Tomas Gezalaga*

ANTZUOLA BERGARA

• Zoruen kutxilatuta eta barnizaketa •

1800  
GAILUR  
taberna eta  
gozotegia

Buzinzuri 13 ANTZUOLA  
Tf. 943 78 70 32

1800  
LARREA

TABERNA

Kalebarren 17  
ANTZUOLA

1800  
KALEGOI 19 ☎ 943 76 64 07

*Tomas Gezalaga*

ANTZUOLA BERGARA

• Apainketarako eta industriarako pinturak •  
• Paper margotuak •  
• Mokatet eta tapizatuak •